



## Terenga 6: Hōtaka 19 - Te Toai Pū

### He Mihi

Tuia te rangi e tū nei. Tuia te papa e takoto nei. Tuia te muka tangata e rangitāmirohia nei i roto i tēnei kaupapa whakapakari a tātou.

### Hei Mahi Whakarongo

Ko Paraone Gloyne te kaikōrero i roto i te kiriata poto o te rā nei i whakaahuangia ai e toru tau pea ki muri, mō te hōtaka o Whakataukī. Anei ngā pātai hei whakautu mā koutou:

- 1) He aha te mahi a Hinenuitēpō?
- 2) Rangona ai te whakataukī i ēhea horopaki?
- 3) He aha te whānuitanga o te hiahia kia 'mate ā-marama' te tangata?


Kia rongu ake tātou ki te kakara o te rau kawakawa o Wharepūhunga, ki te reo o Frances Paraone Gloyne

### He Whakamārama

Mena e rua ngā kōrero mō te tangata kotahi kei roto i te rerenga kōrero, me toai i te pū ka noho ki mua i te whakamārama tuatahi. Tirohia ēnei taurira:

- a) I puta te whakatau a te Minita mō ngā Take Māori, a Te Ururoa Flavell.
- e) He waiata tēnei mō tana kuia, mō Te Rewa.
- i) Kei te tāone nui katoa o te motu, kei Tokoroa taku kāinga.

### He Mahi Ī-papa



Tuhia mai he rerenga kōrero e kitea ai te pū kei runga i te Īpapa, e rua ngā wā.

---

---

### Hei Mahi

**Whakaurua he whakamārama anō mō te wāhanga o te rerenga kōrero kua tārarotia. Whakaarohia te pū hei toai māu, e oti tika ai te kōrero.**

1. He mea hanga tēnā e taku tungāne, ...
2. Kei wareware i a tātou...
3. I tuia e taku kuia tēnei mōku ...
4. E kite ana au i ngā hua o tā Piripi tama, ...

### Whakautu:

**Mahi Īpapa:** Kei konei, kei taku pāhi taku wāreti.

**Hei Mahi:**

1. He mea hanga tēnā e taku tungāne, e Rāhui.
2. Kei wareware i a tātou, i te iwi Māori ā tātou tikanga.
3. I tuia e taku kuia tēnei mōku, mō tana mokopuna.
4. E kite ana au i ngā hua o o tā Piripi tama, o Pureora.